



**Francisci De Fargna Civitatis Plebis Patrii Philosophiæ,
Sacræ Theologiæ, ac J. U. Doctoris ... Commentaria In
singulos Canones De Jurepatronatus**

Qui sparsim tam intrà, quām extra corpus Juris Canonici vagantur ...

**Fargna, Francesco de
Romæ, M. DCC. XIX.**

Casus Unicus. Argumentum. Beneficia Patronalia unita pro dote Monasterii
an solvere debeant Quidennia, & de requisitis necessariis ad hoc ut
beneficia unita Manibus mortuis sint subjecta solutionibus ...

[urn:nbn:de:hbz:466:1-72172](#)

re præsumerent, uniones, annexiones, & incorporations hujusmodi haberi penitus pro infectis, & sic unita Monasteria, Prioratus, Præposituras, Præpositatus, Dignitates, Personatus, Administrationes, Officia, & cujusvis qualitatis, aut generis beneficia hujusmodi tanquam verè vacantia posse liberè à Sede Apostolica impetrari.

Hanc Pauli secundi constitutionem post plures alios Romanos Pontifices, nimirum Iulium II. *Constit. 4.* Pauli IV. *Constit. 17.* Bull. Rom. nov. tom. 1. confirmarunt, & approbarunt Pius V. & Sixtus V. in his *Canonibus* illam extendentis etiam ad Beneficia Jurispatronus Laicorum, Imperatorum, Regum, Ducum, & aliarum Personarum Illustrium; moti ex eadem ratione relevandi videlicet Cameram Apostolicam à damnis, quæ patitur ex unionibus beneficiorum ad manus mortuas; Qui *Canones* fuerunt successivè etiam confirmati, & renovati ab Urbano VIII. *Constit. 26.*, & à Clemente X. *Constit. 50.* Bull. Rom. nov. tom. 4.

Quoad hanc conclusionem sequens examinatur casus.

ARGUMENTUM.

Beneficia Patronalia unita pro dote Monasterii an solvere debeant Quindennia; & de requisitis necessariis ad hoc, ut Beneficia unita manibus mortuis sint subjecta solutioni Quindenniorum.

S U M M A R I U M.

- 1 *Usus Annatarum est antiquissimus.*
- 2 *Enumerantur species annatae.*
- 3 *Refertur sententia Vermiglioli cons. 746. num. 6.*
- 4 *Dotationes Ecclesiarum debent esse exceptæ ab omnibus oneribus.* Intellige, ut num. 11.
- 5 *Annata, & quindennia sunt onera.*
- 6 *Quindennia an debeantur si concurrat observantia in contrarium.*
- 7 *Beneficia unita pro dote, sive augumento dotis Monasterii solvere debent quindennia.*
- 8 *Enumerantur requisita necessaria ad effectum, ut beneficia subjecta dicantur solutioni quindenniorum, & n. 9. & 10.*

C A S U S U N I C U S.

DE consensu Patroni unitum fuit Beneficium a cuidam Monasterio ex causa illius dotationis, sive augmenti dotis; Abbas autem successivè detractavit solvere Quindennia Rev. Cameræ ratione dicti beneficii, eo sub fundamento, quod illud esset unitum pro dote, sive augumento dotis ejusdem Monasterii;

Quæritur an idem beneficium in hoc casu sit subjectum solutioni quindenniorum?

Ut clarius hujusmodi quindenniorum natura, & qualitas dignoscantur, (latribus, & declamationibus, quæ in hac materia ab exteris, sive ex malignitate, sive ex ignorantia fieri solent, minimè attentis,) illud præsupponendum venit, quod Summi Pontifices tempore antiquissimo, & immemorabili in recognitio nem universalis dominii, quod habent super omnibus mundi beneficiis, exigunt ab eis vacantibus certam quantitatem fructuum primi anni, quæ *Annata* dicitur; & quidem hujusmodi exactio justissima est, & à Dominico præcepto procedere testatur *Apostolus*, 1. ad *Corinth. 9.* ibi. *Quis militat suis stipendiis unquam, quis plantat vineam, & de fructu ejus non edit &c.* Et paulo inferius *Si nos vobis spiritualia seminavimus, magnum est si carnalia vestra metamus?* Nescitis, quod qui in *Sacrario* operantur, quæ de *Sacrario* sunt edunt, & qui Altari deserviunt, de Altari participant.

2 Annata autem est nomen genericum continens in se plures species; Alia enim est annata proprie sumpta, quæ solvit pro beneficiis inferioribus, & est dimidia pars veri anni valoris fructuum beneficii vacantis; Alia est, quæ dicitur *Commune servitium*, eo quod ejus dimidium tribuitur Papæ, reliquum S. Collegio Cardinalium, & inter ipsos Cardinales præsentes dividitur, & quæ solvit pro beneficiis consistorialibus, & est quantitas certa pro quolibet Episcopatu, vel Abbatia consistoriali secundum antiquam taxam solvenda. Alia, quæ dicitur *minuta servitia*, quæ sunt quinque portiunculae,

- lx, quæ secundum proportionem taxæ fructuum Episcopatus, vel Abbatiae inter certos Papæ ministros, & Officiales distribuuntur, & appellantur *Minuta*, quia sunt minutæ partes Annatae, & quia partituntur inter minores Ministros; Alia, quæ dicitur *Quindennium*, & est illa quantitas fructuum, quæ de quindecim, in quindecim annos pro beneficiis perpetuo unitis solvit ab illis in quorum favorem talia beneficia sunt unita.
- 3 His præsuppositis videtur præfatum beneficium in præsentiarum non esse subiectum solutioni quindenniorum, si quidem fuit unitum, & assignatum in dotem, sive in augmentum dotis Monasterii, quo stante, non comprehenditur sub dispositione horum *Canonum*, nec pro illo solvi debent quindennia, ut expressè tuetur *Vermigliol.* cons. 476. num. 6. ibi = *Siquidem has decisiones, aliasque autoritates in his quoque terminis Quindenniorum, ut exceptæ sint ab eis uniones factæ ex causa dotationis, vel augmenti dotis necessario pro sustentatione Cultus Divini* =.
- 4 Et quidem summa æquitate, nam erectiones, & dotationes Ecclesiastum ex natura sua debent esse exemptæ ab omnibus oneribus, & gravaminibus tum secularibus, tum Ecclesiasticis juxta usum ab initio nascentis Ecclesiarum practicatum, de quo in can. 63. Concil. Melden. & can. 50. Vormatiens. cum aliis relatis per Nicol. le Maystre de bon. & poss. Eccles. lib. 3. cap. 3. & Carol. de Frejne in Gloss. tom. 2. vers. Mansus Eccl. pag. 399., & ita Sancitum habemus à Pontificibus in cap. 1. de censibus, & cap. sancitum 23. quest. 8. Fagnan. in cap. non minus n. 8. de immunit. Barbos. vot. decif. 41. num. 6. & collectan. Apostolic. 345. n. 6. & de jur. Eccles. lib. 1. cap. 39. §. 5. n. 8. Annatam verò, & quindennia onera esse non ambigitur. Bursatt. cons. 126. num. 3. Lotter. de re benef. lib. 3. q. 20. n. 24. Hinc sicuti bona Ecclesiastica primæ erectionis, & dotis non subjacent decimis, redecimis, subsidiis, & aliis Canonis contributionibus, ita nec debent subjacere quindenniis propter uniones debitum, sicuti nec subjacent regulis ipsis unionum revocatoriis. Lotter. de re benef. lib. 1. quest. 29. num. 15. Turricell. de union. cap. 15. n. 40. Rot. dec. 982. num. 1. coram Seraph. & decif. 449. num. 6. coram Pars VI.
- Cavaler., & decif. 787. num. 1. coram Burrett. & decif. 57. num. 4. par. 2. & dec. 109. n. 14. par. 6. rec. *minima non cuiusque eius*
- 6 Fortius si concurreret observantia plusquam centenaria non solvendi quindennia, quæ non solum demonstraret à parte rei indebitam esse omnem quindenniorum prætensionem, sed etiam conferret meliorem titulum de mundo, atque propterea Apostolicam exemptionem, etiam causa onerosa præsumibilem, ut tradunt Card. de Luc. de regal. disc. 162. num. 9. & seq., & de benef. disc. 39. num. 5. Vermigliol. dicto conf. 476. num. 9. Rot. cor. Seraph. dec. 1400. n. 8.
- 7 Sed his non obstantibus censeo Abbatem præfati Monasterii teneri solvere quindennia pro dicto beneficio; Concurrunt namque omnia requisita necessaria ad effectum, ut beneficium subiectum dicatur solutioni quindenniorum; siquidem concurrit unio dicti beneficii facta Monasterio, quæ est unum ex requisitis ad solutionem quindenniorum, sive sit tituli extinctiva, sive æquè principalis, utroque enim casu beneficium unitum tenetur solvere quindennia, quia in utroque casu, verificatur quod non detur amplius vacatio per obitum, & quod non sit locus solutioni Annatae, quæ præcedenter ad statum unionis solvebatur, & quia in Bulla sexta Pauli Secundi statuitur quod quindennia solvantur de bonis Ecclesiastum, aut beneficiorum, quæ fuerint manibus mortuis unita, incorporata, annexa, applicata, atque submissa; Cum itaque hæc omnia differant inter se Gonzal. ad regul. 8. Cancell. gloss. 5. §. 7. n. 155. unionis verbum stat loco generis, cuius generis cuius species sunt incorporatio, annexio, applicatio, atque submissio. Incorporatio autem denotat unionem tituli extinctivam; annexio verò, applicatio, atque submissio, unionem æquè principalem, ut hæc omnia verba explicando prosequitur Mandos. ad regul. Cancell. regul. 12. quest. 1. à num. 3. usque ad finem; proinde solutio quindenniorum debetur, sive agatur de unione tituli extinctiva, sive æquè principali.
- 9 Concurrit etiam excessus viginti quartuor ducatorum, dum fructus prædicti beneficii excedunt viginti quartuor ducatores, quod est aliud ex requisitis necessariis;

Oo rtis;

riis; etenim si beneficia (non computatis tamen distributionibus quotidianis , pro quibus non solvit annata , neque commune , & minuta servitia ;) non excedant viginti quatuor ducatos , pro eis non solvuntur annatae , & consequenter nec quindennia ; sic in Beneficiis Germaniae , quia ex Privilegio Apostolico in eis expressio veri valoris fieri solum confuevit per non excessum 24. ducatorum , quamvis essent multo majoris valoris , de eis non solvit annata ; Et è contra si excedunt viginti quatuor ducatos solvere debent annatam , etiamsi essent beneficia jurispatronatus laicalis , ac Imperatorum , & Regum . Fagnan . in cap . præterea nè Præl . vices suas n.94. Lotter . de re benef . lib . 1. quæst . 29. num . 2. Tondut . de pension . cap . 10. n . 14. & seqq . Barbos . collect . dec . 28 . n . 1. Rot . dec . 1410 . cor . Seraph .

10. Concurrit denique , quod idem beneficium ante ejus unionem solvebat annatam ; quibus omnibus concurrentibus necessariò dici debet subiectum solutioni

quindenniorum , juxta dispositionem horum Canonum , ob rationem in Commentario deductam , & Auctoritates ibi relatas .

II Minimè relevante quod sxpè dictum beneficium sit unitum pro dote , sive augumento dotis Monasterii , quæ debet esse exempta ab omnibus oneribus , & gravaminibus , quia exemptio ab oneribus , qua fruuntur bona dotalia , seu primæ creationis Monasteriorum , intelligitur de illis oneribus , quæ de novo impo- nuntur , non verò de oneribus realibus , & infixis eisdem bonis , uti est solutio annatae , quæ est realis , & infixa fructibus be- neficii excedentibus annuos ducatos 24. illa enim transeunt cum eisdem bonis , uti testantur Abbas . in cap . novum genus sub n . 6. de decim . Rebuff . eod . tract . q . 5 . n . 20. Barbos . de jur . Eccles . lib . 3. cap . 26. § . 3. num . 11. Rot . cor . Zaratt . decis . 74 . num . 38. & coram Cerr . dec . 544. n . 16. & alii penes Rot . in Pampilonen . decimaru m 28. Januarii 1704. S. Bona enim , coram R . P . D . bo . me . Muto .

C A N O N XII.

PIUS V. Confit. XLVII. § . 4. & seq Bull. Rom. Tom. 2.

Ann. 1567. **A**d exequendum Pastoralis officii debitum vigilantibus studiis intendentibus: *Et infra:* Volumus insuper , & ita mandamus , quod dicti Vicarii perpetui non ad liberam Ordinariorum Electionem , sed ad nominationem illorum , in quorum Ecclesiis unitis , ponentur , cum ipsorum ordinario rum , seu eorum Vicariorum prævio examine , et approbatione deputentur . Etsi dictæ Parochiales unitæ erunt Monasteriis Regulárium Mendicantium , possint à superioribus dictorum Monasteriorum nominari ex ipsis Mendicantibus , quos si ordinarii prævio examine per se , aut eorum Vicarios faciendo idoneos ad curam Animarum exercendam invenient , & ita pro idoneis approbaverint , teneantur in Vicarios , ad nutum tamen superiorum suorum amovibiles deputare . Idemque etiam servetur in Regularibus Monachis

tantum